

**JOSEPHI MARIAE  
GOBBI ROMANI IN  
EPISCOPALI  
PISTORIENSI  
COLLEGIO...**

---

Giuseppe De Mirto



112  
JOSEPHI MARIAE GOBBI

R O M A N I

IN EPISCOPALI PISTORIENSI COLLEGIO  
CONVICTORIS

ET PHILOSOPHIAE, ET MATHESEOS AUDITORIS

*DE DEI EXISTENTIA*  
ET DIVINAE REVELATIONIS  
NECESSITATE  
METAPHYSICA DISSERTATIO.



---

EXCUDEBAT PISTORII ANNO CIO ID CC LXXXIII.  
ATTHO BRACALIUS IN EPISCOPALI TYPOGRAPHIO  
PUBLICA AUCTORITATE.

---

306.21



❧ ( 3 ) ❧  
ILLUSTRISSIMO . REVERENDISSIMO . DOMINO  
DOMINO  
**SCIPIONI . DE . RICCIIS**  
SANCTARUM . ECCLESIARUM  
PISTORIENSIS . ET . PRATENSIS  
ANTISTITI  
SS. D. N. PAPÆ . PII . VI.  
PRÆLATO . DOMESTICO . ET . PONTIFICII . SOLII  
ASSISTENTI  
DISSERTATIONEM . HANC  
DE . DEI . EXISTENTIA  
ET . DIVINÆ . REVELATIONIS . NECESSITATE  
**JOSEPHUS . MARIA . GOBBI**  
ROMANUS  
DEVOTUS . MUNIFICENTIÆ . HUMANITATIQUE  
EJUS  
IN . OBSEQUENTISSIMI . ANIMI . TESTIMONIUM

D. D. D.



A 2

(31)

THE SECRETARY OF THE

GOVERNMENT

OF THE

INDIAN

DEPARTMENT

TO THE

COMMISSIONER

OF THE

INDIAN

DEPARTMENT

OF THE

INDIAN

DEPARTMENT

OF THE

INDIAN

DEPARTMENT

OF THE

INDIAN

DEPARTMENT

OF THE

INDIAN

DEPARTMENT

OF THE

INDIAN

DEPARTMENT

OF THE

INDIAN

DEPARTMENT



# DE DEI EXISTENTIA

## ET DIVINÆ REVELATIONIS NECESSITATE

### METAPHYSICA DISSERTATIO.



Uod non Ethnici solum omnium sermone celebrati Philosophi rerum naturalium ordinem, pulchritudinem, earumdem structuram, fines, motus contemplantes liquido intellexerunt, sed Græcorum, Egyptiorum, Chaldeorum, Phenicum doctissimæ, prudentissimæque Nationes, alique multitudo innumerabiles, vel etiam immanitate barbaræ Gentes semper esse putarunt, naturam scilicet aliquam divinam multo magis, quàm assequi mente possumus excellentem, atque præstantem, quæ pœnas, ac præmia dividat, quæ ferat implorantibus opem, quæ magnam gerat nostrarum rerum, assiduamque curam, quæ cuncta denique Numine moderetur suo, ut cuiuscumque, vel ætatis, vel regionis indubiis monumentis posset confirmari; eo impudentiæ, ac nequitiae teterrimi noctis filii, & tenebrarum devenere, ut nullam esse huiusmodi naturam, proindeque nullum Auctorem Mundi, vel Gubernatorem optimum, ac præstantissimum esse agnoscendum, apertè declarent, & Divinitatem ipsam e Cœli solio deturbatam cum rudi, inertique materia turpiter permiscere, moliantur. Quos porro scelestissimos, atque ex omnium vitiis colluvie enatos homines, ut altius consodiamus, refutemusque, atque adversus eisdem suppremi Numinis existentiam solidis momentis adstruamus, haud in eo potissimum tota argumentationis vis locanda est, ut constet aliquando existere Ens a se, improductum, & necessario

existens , cum nefarii hujusmodi homines cum ceteris Materialistis & ipsi doceant , tot dari Entia a se , quot sunt materie particulae , ex cujus fortuitis combinationibus , Mundum hunc coaluisse , temere affirmant : Ast omni virium conatu id præcipuè statuendum , nos Dei nomine intelligere , non solum Ens quodlibet improductum , & necessario existens , sed etiam Ens summa sapientia , & potentia præditum , qua hæc omnia , quæ videmus condere potuit , & ordinare , ita , ut non casu quodam , aut cæca necessitate , sic illa esse disposita , & talibus motibus agitata , quibusque probe intelligat , sed curam , atque artificium causæ cujusdam extra materie collectionem existentis , ipsiusque vires longè excedentis , omnesque Universi partes ad ipsarum conservationem dirigentis , luculentissimè agnoscat . Quod tunc nos assequutos esse confidimus , cum materiam Ens increatum , improductum , & necessario existens ex probationis nostræ serie nequaquam esse , constabit , atque ex ipso rerum naturalium statu , & ex ipsa earum natura , essentialibusque proprietatibus , supremam aliquam causam sapientissimam , summoque consilio , & sapientia præditam , Deum nempe existere , rectissimè intulerimus .

Et sane illud Entis increati , improducti , & necessario existentis præcipuum , ac singulare est , ut pro nulla temporis differentia indifferens sit quoad statum , illius namque existentia , nonnisi in statu aliquo determinato concipi potest ; Ens quippe , quod concipitur existere , necesse est , ut in statu aliquo determinato , scilicet , vel in statu quietis , vel motus , vel quolibet alio , concipiatur existere . Porro , si Ens increatum , improductum , & a se necessario existens indifferens foret ad statum illum , quem determinatè habuit in existendo , potuisset non habere hujusmodi statum , quem determinatè habuit : Atqui hujusmodi statum non potuit non habere , aliter enim statum illum , in quo determinate existit , ab alio accepisset . Quare , aut a se liberè , aut ab aliis Athomis , aut a causa aliqua extra Athomorum congeriem posita , statum illum habuisset ; Primum negant ipsi Adversarii , cum Athomis libertatem adimant ; Tertium pariter negant absolutè , cum Athomos statuunt esse Entia a se necessario existentia . Ergo secundum concedant necesse est ; Atqui hoc juxta eosdem Adversarios prorsus absurdum est , cum idea Entis increati , & improducti sit idea Entis , quod ab aliis Athomis in existendo nequaquam possit dependere . Ergo , si Athomus A ex. gr. esset Ens increatum , & impro-

## ( 7 )

ductum , nonne eadem Athomus existeret , cum increata , & improducta sic , etiam si nulla alia Athomus in rerum natura esset ? Atqui existere nequit , quin habeat determinatum aliquem existendi statum ; Ergo , si in existendo ab alia Athomo nequit dependere , neque dependere potest ab alia Athomo quoad statum . Existencia namque Athomi A , adeo conjungitur cum statu aliquo determinato , ut absque illo concipi nequeat ; sed status determinatus juxta ipsos Adversarios dependet ab aliis Athomis . Ergo existencia Athomi A dependet ad aliis Athomis , quod de Ente increato , & improducto dici nequaquam potest . Rursus juxta eosdem Adversarios Athomus A indiget alia Athomo ad suum statum determinandum , quemadmodum & Athomus B , & ceteræ Athomi in infinitum indigent . Ergo , sicuti in Athomo B secundum se considerata nihil determinationis habemus , ita pariter nihil determinationis habemus in Athomo C secundum se considerata ; Ergo in singulis Athomis habebimus merum nihil relate ad determinandam existentiam status ; Atqui summa nihilorum , utpote numero infinitorum est merum nihil . Ergo etiam in tota collectione Athomorum invenietur merum nihil in ordinem , & statum determinandum . Ergo ab aliis Athomis determinari non potest ; nemo enim dat , quod non habet ; Quare Ens increatum , & improductum statum illum , ita habuit , ut non potuerit non habere , proindeque indifferens non est quoad statum pro quacumque temporis differentia . Ens namque increatum , & improductum pro quacumque temporis differentia , non ab aliis , sed ab essentia sua determinatum est ad existendum , adeoque determinatum est etiam ad statum aliquem in particulari habendum pro quacumque temporis indifferencia ; Ergo nullo non tempore indifferens est ad statum aliquem habendum .

Atqui pro qualibet temporis differentia , materia indifferens est quoad quemcumque statum ; Ergo materia non est Ens increatum , & improductum . Evidens namque est , nos posse statum nostrorum corporum , & plurimorum aliorum , quoad statum , motum , velocitatem , & alia hujusmodi immutare , transferendo nempe nostrum corpus , & aliud quodcumque ab uno loco in alium , ab una velocitate ad aliam , a motu ad quietem , & vicissim , sed si materia immutabilis esset , & non indifferens pro qualibet temporis differentia quoad statum , hæc effici nequirent . Et sane loquendo de nostris corporibus , quis



sanæ mentis auferit inficiari , pro qualibet temporis differentia, illorum statum nequaquam a nobis posse immutari, scilicet , si quiescimus , non posse nos a statu quietis in statum motus corpus nostrum transferri ? Quare , cum evidens sit , posse nos , quoties libuerit , aut sedere , aut ambulare , aut manum attollere , aut dimittere , & sic de reliquis nostrorum corporum actionibus ; evidens quoque sit , necesse est , nos pro qualibet temporis differentia statum nostrorum corporum immutare posse , adedque pro qualibet temporis differentia corpora nostra indifferentia esse quoad statum , & consequenter ab existentia sua quoad statum non esse illa determinata . Etsi autem in omnibus omnino corporibus idem experimentum , quod in nostris corporibus , inire non liceat , tamen , cum in pluribus , id a nobis fieri posse videamus , in aliis autem solum ob quasdam circumstantias , id nobis non licere intelligamus , facile inferre posse cognoscimus , nos casu tantum , & per accidens corporum illorum statum non posse immutare . Hinc , si immane aliquod corpus ex uno in alium locum transferre non licet , nonne singule ipsius partes seorsim sumptę transferri possunt ? Adedque materia , ex qua corpus illud coalescit , non ita cum statum habet , ut alium habere non potuerit , nec possit , siquidem materia illa existere potuit , quin in talem massam coalesceret , atque hujusmodi incrementum in causa certè est , cur maximam obiciat illa resistantiam , non verò , quod materia illa ex sua essentia huic determinato statui alligata sit , quoties enim nobis vires adessent ad resistantiam hujusmodi vincendam , materia illa , licet in massam ingentem conformata , facili negotio , accedentibus sufficientibus viribus , a quiete ad motum transiret . Ergo , cum ex una parte Ens increatum , & improductum pro nulla temporis differentia possit esse indifferens quoad statum , atque ex alia parte pro qualibet temporis differentia materia indifferens sit quoad statum , nonne consequitur evidentissimè , quod materia non sit Ens increatum , & improductum ?

Id ipsum verò , nonne præsens corporum status evincit luculentissimè , cum necessario actionem causę supponat extra materię congeriem positę ? Materia siquidem , ut hactenus confestim , per se indifferens est quoad statum ; ab alio ergo determinari debet , proindèque causa aliqua extra corporum omnium collectionem posita statuenda est , quæ inertem , otiosamque materiam ad præsentem suum statum determinet . Etenim , si

Atho-

( 9 )

Athomus quolibet in particulati insufficientis est ad determinandam seipsam quoad statum, neque omnes Athomi simul sumpti habebunt sufficientiam ad determinandum statum collectionis universæ omnium Athomorum. Quemadmodum enim, si singuli pauperes non habent pecuniam, quam alicui petenti largiri possint, numquid collectio omnium pauperum habere poterit pecuniam, quam alteri largiatur, cum collectio omnium pauperum non sit magis dives, quam singuli pauperes seorsim sumpti? Si status corporum, qui nunc est, sufficientiam haberet ad existendum, aut illam in statu corporum haberet, qui præcessit, aut in serie infinita statuum, qui alii aliis ab æterno præcesserunt. Atqui non præsupposita actione causæ a corporum congerie diversæ, ab his habere non potuit sufficientiam ad existendum; Ergo status corporum, qui nunc est, aliunde habere non potuit sufficientiam ad existendum, nisi præsupposita actione causæ a corporum congerie diversæ. Status namque corporum, qui præcessit, tantum in se habuit ad paritatem rationis insufficientiam ad existendum, quantum habuit status, qui nunc est, & series infinita statuum, quorum singuli habent in se eandem insufficientiam, adeoque ipsa series sibi insufficientis est ad existendum; sed quod est insufficientis ad existendum, non præsupposita causa, a qua sufficientiam huiusmodi possit accipere, nec ipsum potest existere, nec alteri sufficientiam præbere ad existendum; Præsens ergo corporum status, non præsupposita actione causæ extra corporum congeriem positæ, neque a statu, qui præcessit, neque a serie infinita statuum, qui ab æterno præcesserunt potest habere sufficientiam ad existendum, adeoque quilibet corporum status, causæ extra congeriem corporum positæ actionem præsupponit. Series infinita statuum contingentium, tunc solum locum habere potest, dum extra seriem ipsam agnoscatur causa, a qua determinationem accepit, quamdiu hæc non adsit, & omnes, & singuli status totalem insufficientiam habent ad existendum, nonne summa, seu series infinita statuum, in quorum singulis habemus merum nihil ad determinandam existentiam, nonne inquam est merum nihil, adeoque non potest determinatè existere nisi a causa extra ipsum posita determinetur? Magisne confert numerus infinitus statuum ad sufficientiam huiusmodi habendam, quam in Arithmetica infinitæ cistræ ad habendum numerum conferre possunt, seclusa unitate?

Series infinitas excogitarunt Materialistę , ut retrocedentibus effugium aliquod pateret , & statum aliquem antecedentem in promptu semper haberent , ad quem iidem confugerent . Ac status antecedens subsequentem , hac ipsa solum ratione potest determinare , quod existens , & determinatę existens supponatur . Quomodo verò existere potuit , nisi vel in seipso sufficiens determinationis principium ad existendum habuerit , vel ab alio acceperit , quod in se principium illud haberet ? Atqui seclusa actione causę extra corporum congeriem positę , nec singuli status habent in se illam sufficientiam , nec tota series , quę ex huiusmodi statibus coalesceret , quemadmodum hactenus ostendimus . Submotā ergo causā extra seriem illam posita , nec status , qui præcessit , nec series infinita , nec proinde status præsens potest existere .

Verum non ex presenti solum rerum statu , sed ex ipsa corporearum rerum diligenter evoluta natura Ens necessarium , immutabile , æternum , atque ab universo distinctum , segregatumque admittendum est . Quod enim natura sua iners est , quod omni agendi principio destituitur , quod motus , & vires omnes extrinsecas acceptas habet , sibi profectō sufficiens ratio , & causa esse non potuit , cur esset , nec si quando fuit , se certo ordine distribuere , & tot motibus impellere undique , & agitare potuit , nec jam conceptos motus , ac vires tantis vicissitudinibus temperare . Extra igitur corporum collectionem sufficiens ratio , & causa aliqua existentię , motus , & virium corporum queri debet . Porro in toto ætherearum causarum genere , aut una causa est , & in se sufficientem rationem completitur sui ipsius , aliarumque rerum omnium , aut singulę , ita invicem connexę sunt , ut unaquęque ab alia pendeat . Atqui si hoc esse posset in continuata quavis corporearum causarum , & a se invicem pendendum serie , hoc est totum causarum genus , nec suę existentię , nec motuum , nec virium corporum sufficientem rationem in seipso completeretur , quemadmodum exemplis pauperum , zerorum &c. satis abunde superius confestim . Causa igitur aliqua incorporea esse debet , a qua cum causę ceterę pendeant , ipsa nulli subjaceat , & ex se , suęque naturę necessitate existat , nec ullo umquam tempore potuerit non existere , & quia , quod in se necessarium , æternumque est , vicissitudinis alicujus , & mutationis causa intrinsecus sibi metipsi esse nequit , cumque a nullo alio principio pendeat , nullam ex-

( 11 )

extrinsecus mutationis causam habere potest, necessaria, incorporea, æterna eadem causa penitus, & immutabilis sit, oportet. Denique, quæ immutabilis causa est, plus esse nequit, quam vere est, sive est illud omne, quod potest esse; quiquid enim non est omne illud, quod potest esse, potest plus esse, quam verè est, & quidquid potest plus esse, mutari potest; jam verò quidquid majorem amplitudinem, dignitatemque existendi habet, sive quod plures, præstantioresque proprietates complectitur in seipso, perfectum est. Existit ergo, prima, necessaria, æterna, incorporea, immutabilis, & perfectissima rerum omnium causa, nimirum Deus.

Id ipsum verò, nonnè facile quisquam etiam colligeret, qui oculis in hunc Mundum convertis consideraret, ut ait Tullius, equalitatem motus, conversionem Cæli, Lunæ Solis, siderumque omnium distinctionem, varietatem, pulchritudinem, quorum aspectus ipse satis indicaret non esse fortuita, ut si quis in domum aliquam, aut gymnasium, aut forum venerit, cum videat omnium rerum rationem, & modum, & disciplinam, non possit ea sine causa fieri iudicare, sed esse aliquem, qui intelligat, qui præsit, & cui pateatur, multo magis in tantis motibus, tantisque vicissitudinibus, tam multarum rerum, atque tantarum ordinibus statuatur necesse est, ab aliqua mente tantos naturæ motus gubernari. Ex solo vero gravitatis systemate, nonnè Deum existere perspicuum est? Totum systema ea lege continetur, quod omnia corpora sese invicem attrahant, vi quæ quantitati materiæ directè, & quadratis distantiarum reciprochè sit proportionalis. Pendunt ex hac unica lege Planetarum, Cometarumque, & Satellitum omnium motus adeò irregulares, & varii, figura totius Terræ, maris æstus, & phænomena ejusdem generis fere innumera. Si ergo vis gravitatis, ut dictum est, ex superiori aliqua causa oritur, intelligentem, perfectissimamque causam esse oportet, quæ unica vi, tot, & tanta phænomena continuerit. Ex hisce Planetarum motibus, quis est, qui cum immortalī Newtono summam supremi Numinis sapientiam, consiliumque merito non suspiciat, ac demiretur. = Planetæ enim, inquit memoratus = Vir præclarissimus in Scholio generali Libri III. Principiorum, = sex principales revolvuntur circa solem in circulis soli concentricis, eadem motus directione in eodem plano quampro- = ximè, Lunæ decem revolvuntur circa Terram, Jovem, & Sa-

= Saturnum in circulis concentricis , eadem motus directionis  
 = in plano Orbium Planetarum quamproximè , & hi omnes  
 = motus regulares originem non habent ex causis mechanicis ,  
 = siquidem Cometę in orbitis valde excentricis in omnes Cę-  
 = lorum partes , liberè feruntur . Quo motus genere Cometę  
 = per orbitas Planetarum celestimes , & facillimè transeunt , &  
 = in Apheliis suis , ubi tardiores sunt , & diutius morantur  
 = quamlongissime distant ad invicem , & quamproxime se mu-  
 = tuo trahunt . Elegantissima hæc Solis , Planetarum , & Co-  
 = metarum compages , nonnisi consilio , & dominio Entis in-  
 = telligentis , & potentis oriri potuit . Et , si stellę fixę sunt cen-  
 = tra similia systematum , hæc omnia simili consilio constructa  
 = subeunt unius dominio . Densiores sunt , addit libri tertii  
 = Propositione VIII. , Planetę cęteris paribus , qui sunt soli , pro-  
 = piores , ut juppiter Saturno , & Terra jove . In diversis uti-  
 = que distantis collocandi erant Planetę , ut quilibet pro gra-  
 = du , calore solis majore , vel minore frueretur . Aqua nostra ,  
 = si Tellus locaretur in orbe Saturni , rigesceret , si in orbe  
 = Mercurii , in vapores statim abiret . Dubium vero non est ,  
 = quin materia omnis densior ad operationes naturales obeun-  
 = das majorem calorem requiret . Quis enim suadere sibi pote-  
 = rit , Planetas omnes , diversas hæc distantias , pro diversitate suę  
 = densitatis non ab æctione causę alicujus cum sapientia , &  
 = consilio agentis , sed a casu , & temeritate obtinuisse = ?

Atque , ut terrestria contemplerur , nonnè in nostro hoc  
 corpore animadvertimus , quomodo partes singulę inter se di-  
 versissimè unico fini inserviant , conservandi scilicet motus , si-  
 ne quo vita esse non potest , & partium , quę continuo mo-  
 tu æteruntur , debilitanturque , reparandarum scilicet , quia  
 illis reparandis , consolidandisque requiritur cibus , quot addi-  
 ta sunt instrumenta , ut cibum ipsum primo parare possimus ,  
 concerpere , deglutire ; manus corripiendo cibo , dentes canini  
 discerpendo ; molares contundendo , volvendo lingua , exosa-  
 gus deglutendo , ventriculus concoquendo , & alia vasa exci-  
 piendis particulis ad nutritionem magis comparatis ? Denique  
 quod musculorum , pulmonum glandularum artificium est ,  
 cordis , quo sanguis impellitur , venarum , arteriarumque , qui-  
 bus per totum corpus sanguis diffunditur , & reducitur , liga-  
 mentorum , quibus ossa conjunguntur &c. , atque , ut omnia  
 paucis perstringamus , nonnè idipsum evincitur , si plantarum  
 stru-

inspiciamus consideremus, cum singulas earum partes in id conspirare videamus, ut præparetur succus nutritivus, tum aqua quæ disseminetur, deinde in ramos, frondes, fructusque erumpat, tum si eandem ex semine productionem contemplemur in quo, & rami, & frondes, & flores, & fructus præcontineantur, & novam ipsius seminis efformationem, quod tum particularum illam texturam partium habeat, & plantam illi, a qua semen productum est, omnino similem valeat producere, & viridem illum colorem jucundissimum plantis omnibus communem, & in omnibus diversum, & summam plantarum utilitatem, atque expetibilitatem, quæ non tantum victum nobis suppeditant, sed vestes etiam, & medicamina, & domos, & suppellectilem, & naves, & ignem, & sensuum; animique voluptates quamplurimas. Superest, ut concludamus cum Boetio, Mundum hunc divertis, contrariisque partibus in tantam formam minime concrevisse, nisi unus esset, qui tam diversa conjungeret, conjuncta vero ipsa naturæ diversitas invicem discors dissociaret, atque divelleret, nisi unus esset, nempe Deus, qui, quod nexuit, contineret.

Cum vero sola sapientia, & intelligentia nullus haberi possit effectus, nonne necessaria planè erat potentia ad hæc, quæ perfecta videmus consicienda? Quis enim vecors adeo, & ignarus est, qui ipsam in cunctis naturalibus effectibus omnes imaginationis nostræ limites quamlongissime excedere non deprehendat, adeò, ut non facile definitu sit, majornè in majoribus, an in minoribus operibus illa clucescat? Quid enim difficilius est, tantasne cælestium corporum moles ad juxta intervalla collocare, & cum debita velocitate projicere, ut is habeatur motus, quem adeò constantem Planetæ tuentur, an verò animalium corpora, etiam minima cum suis venis, musculis, fibris, nervis, ceterisque ad vitæ munera obeunda instrumentis necessariis efformare, eaque tam exigua, ut plura eorum millia simul collecta nostros sensus prorsus effugiant. Contemplanti mihi quidem naturam universam, singulasque ejus partes attentius perpendenti, tanta sapientia, industria, potentia elaboratas, & perfectas video, ut vix in earum una tantam concipere potuissem perfectionem, si illam solum naturæ Auctor efformandam suscepisset.

Quid vero de supremi Numinis providentia dicemus, cum eidem res singulas, etiam viles, & exiguas subjectas videamus?

Or-

Ordo siquidem , pulchritudo , symmetria rerum omnium , illa scilicet conveniens partium , etiam minimarum inter se , & ad totum ratio , quam in hoc Universo hætenus observavimus , ab ipso suæ existentie initio ad hæc usque tempora constanter perseveravit , quemadmodum ex constanti , & ordinata Planetarum revolutione in suis orbitis constat luculentissime . = Quis enim ( inquit Cicero Lib. II. de natura Deorum ) hunc = hominem dixerit , qui cum tam certos Celi motus , tam = que omnia inter se connexa videat , neget in illis ullam ef = se rationem .... , quæ quanto consilio gerantur , nullo con = silio assequi possumus = Idipsum pariter , nonne constat ex perenni arborum , fructuum , herbarum e suis seminibus produ = ctione , aliisque innumeris , quæ quotidianâ experientia nobis ostendit ? Atqui hæc omnia constanter perseverare , & con = servari non potuissent sine primæ causæ providentia , ut indu = biis rationibus Homilia decima ad Populum Antiochenum o = stendit Chrysostomus = Dimitte , inquit , navigium per diem = unum absque Gubernatore , & nautis , & statim submersum = videbis ; sed Mundus nihil tale passus est , quinque millia , = & plus jam habens annorum ; & quid dico navigium ? Ca = sulam aliquis parvulam in vineis compegit , & fructu ablato = desertam reliquit , & ne duos sæpe dies permanet , sed sol = vitur , & brevi cadit . Igitur tugurium absque providente = non staret , creatura vero tanta , tam pulchra , tam mira = bilis , & leges noctis , & dici , alternarumque horarum cho = reæ , & naturæ cursus variis , & omnimodus in terra , & mari , = & aere , & Cælo , & plantis , & animalibus volantibus , na = tantibus , gradientibus , serpentibus , & in Hominum ge = nere omnibus his validiore , tantum temporis absque aliqua = providentia stabilisset = ? Et sanè , quæ umquam Respublica sine moderatoribus suis , quæ urbs sine Gubernatore , sive Rectore aliquo , quæ privata domus sine Patrefamilias eam ad = ministrante , atque regente , permansit , constantemque ordinem in suo regimine conservavit ? Multo ergo minus perseverare constanter hujus Universi ordo , symmetria , pulchritudo po = tuisset sine primæ causæ providentia : Ergo si huc usque con = stanter perseveravit , per primæ causæ providentiam persevera = vit . Ergo Mundus , quæque in ipso existunt res singulæ , etiam viles , & exiguæ , supremæ causæ providentiæ subijciuntur .

Sublata verò Dei providentia , nonne omnis justitia è Mun = do

( 15 )

do tolleretur ? Quoties enim nulla sit providentia , adeoque nullum Numen , quod nos , nostraque curet , quis esse poterit timor pœnæ , quæ spes premii , quod post mortem nos maneat ? Nonnè seculorum omnium experimento firmatum est , humanarum legum metum , & timorem satis non esse ad effrenatos nostrarum cupiditatum impetus coercendos , præsertim cum scelera nostra , vel occulta , vel impunita futura esse speramus ? Ex quo factum est , ut nulla umquam Respublica laudabiliter instituta fuerit , in qua Numinis alicujus humana providentis , ac curantis , persuasio non vigerit . Hoc vel ipsi recentiores Materialistæ , contra quos præsertim agimus , concedunt , dum impie asserunt , religionem , & supremi Numinis providentiam a politicis Viris ad coercendos subditos inventam . Hoc ipsi Ethnici Philosophi , Platonici scilicet , Peripaterici , aliique agnoverunt .

Immeritò ergo adversus luculentissimas hæc hætenus præconstitutas veritates fraudibus , & mendaciis pugnare , easdemque infringere , & evertere Materialistæ adnuntur . Et sanè statuunt primò nullam dari repugnantiam , quod materia sit Ens increatum , & improductum , & tamen pro aliqua temporis differentia indifferens sit quoad statum . Athomus scilicet A ex natura sua potest necessario impelli ad motum versus Orientem , & tamen ex occurfu Athomi B versus Occidentem se moventis potest mutare directionem , velocitatem imminuere , aut etiam illà omnino privari .

Verum si Athomus B necessario , & quidem necessitate intrinseca occurrat Athomo A , adedque necessario mutet illius directionem , concedimus , quod Athomus B sit Ens increatum , & improductum , negamus vero , quod indifferens sit ad occurrendum Athomo A , quoties sit Ens increatum , & improductum , ut superius confecimus . Si enim memoratæ Athomi sunt Entia increata , & improducta , illarum occurfus , adeoque status ipse ab utriusque Athomi essentia determinatur , cum Ens a se , ut ostendimus , pro nulla temporis differentia indifferens sit quoad statum . Quare , si illæ Athomi sunt Entia a se , earum motus versus Occidentem , ac Orientem determinatus erit , adedque etiam illarum occurfus determinatus erit , & necessarius : Ergo non erit indifferens : Ergo materia non potest esse Ens a se , & simul indifferens quoad statum . Nec est , quod illi insent , Athomorum occursum ex illarum naturæ necessitate

ne-



nequaquam profluere , eo quod quilibet materiæ status sit modus materiæ , & modificationes materiæ mutari possint . Modi namque ab essentia rei necessario profluentes , necessario , & metaphysicè cum illa conjunguntur , adeoque æque ac illa nequeunt immutari . Quidquid enim ab essentia rei necessario profluit , & cum illa metaphysicè conjungitur , omnino immutabile est æque ac ipsa essentia . Idcirco autem modificationes materiæ mutabiles esse statuimus , quia materia , cum pernos iners sit , indifferens est ad quamlibet modificationem suscipiendam : sic ex. gr. digitus indifferens est , ut sit inflexus , aut reclus , quia ejus essentia neutrum importat necessario . At juxta materialistas nequaquam est iners materia , cum per ipsos sit Ens a se ; Ergo etiam ex essentia sua determinata est ad statum aliquem in particulari . Nec est pariter , quod addant , mutari posse modificationes materiæ ab essentia rei necessario profluentes , & cum illa metaphysicè conjunctas , quia , licet materia ponatur indifferens quoad statum , tamen eo ipso , quod existit , habet statum aliquem determinatum . At nos determinatum materiæ statum , haud ex eo deduximus , quod eo ipso , quod materia existit , existat in statu aliquo determinato , sed ex eo , quod , cum juxta eosdem Adversarios , materia sit Ens a se , adeoque ex necessitate essentię suę exitat , jam illius essentia determinare debet illius existentiam , adeoque & statum existendi ; status itaque illius necessarius est , & metaphysicè connexus cum illius existentia . Quoties enim ab illius essentia existendi status non determinaretur , quænam alia causa illum materiæ statum determinaret ?

Ex libertate verò , quam habemus immutandi corporum statum , nonnè rursus perperam inferunt , quod status corporum alius esse potuerit dependenter ab actione alicujus causę liberę , non verò , quod suapte natura determanata non sint ad aliquem statum ; saxum ex. gr. movetur ad partes centro oppositas ; ex hoc autem non inferitur , saxum non esse determinatum ad tendendum centrum versum .

Verum nos non propugnamus modo , corpora determinata non esse quoad statum , sed etiam , quod per se indifferentia sunt ad eum statum , quem habent . Nam si dependenter ab actione causę liberę corpora esse possent in statu diverso ab eo , quem habent pro eadem temporis differentia , nonnè luculenter apparet , illorum statum non esse ipsis omnino necessarium

rium, nec cum eorum essentia metaphysicè conjunctum? Relate vero ad saxum, quod centrum versus tendit eo ipso tempore, quo sursum projicitur, reponimus, quod actualis saxi descensus non est omnino necessarius eidem saxo gravi, nec metaphysicè conjunctus cum saxi natura. Potest enim concipi absque gravitate, cum gravitas ex essentialibus ipsius proprietatibus, extensione videlicet, atque impenetrabilitate, non dimanet. Contra vero status, quem habuit Ens a se in primo instanti, in quo existere concipitur, fuit omnino necessarius, & cum ipsius essentia conjunctus.

Nec est, quod addant Materialistæ, perperam a nobis ex indifferentia materiæ quoad statum inferri causæ alicujus necessitatem extra corporum collectionem positæ, ipsamque materiam determinantis. Si enim, inquiunt, admittantur infinite Athomi, quarum una ab alia, secunda a tertia, & sic in infinitum ad statum aliquem determinetur, per totam æternitatem procedendo, jam invenitur intra materiam ipsam causa sufficiens ad determinandum quemlibet ipsius statum, neque tunc inveniri poterit primus status, vel Athomus indeterminata, adedque necesse non est, ut ad causam extra Athomorum congeriem positam recurratur, quæ statum determinet. Sic velocitas, quam in hoc instanti habet juppiter, & ipsius vis centripeta determinata est a vi centripeta, quam habuit in præcedenti instanti. Sic de hoc semine pyrus potius, quam alia arbor enascitur, corpus scilicet talis figuræ, molis, & constitutionis, potius quam quævis alia: arbor enim, ex qua semen illud editum est, talem potius dispositionem in illud induxit, & sic in infinitum.

Verum posita causa aliqua extra Athomorum collectionem Athomos ipsas determinante, singulis Athomorum statibus suam semper causam determinantem assignari posse concedimus; submotæ autem hujusmodi causa determinante extra Athomorum congeriem posita, negamus superius constitutas ab Adversariis propositiones. Idcirco autem velocitas tangentialis, & vis centripeta, quam in præcedenti instanti habuit juppiter potest determinare velocitatem tangentialem, & vim centripetam, quam idem Planeta habet in hoc instanti, quia tam velocitas, quam vis centripeta fuit omnino determinata in præcedenti instanti, & si illa determinata omnino non fuisset, haud hanc potius, quam illam determinare potuisset. Idem dicendum de semine.

Nec

Nec est, quod rursus contendant, totam Athomorum collectionem indifferentem non esse quoad statum, eo quod collectio Athomorum eam habere possit determinationem quoad statum, licet singula Athomi seorsim sumptæ sint quoad statum indifferentes. Statuunt enim mille librarum pondus a pluribus hominibus attolli posse, licet id unus homo nequeat efficere: sic singuli lapides in fornice insufficientiam habent ad se sustentandos; at omnes simul collecti eadem insufficientia destituuntur. Ergo a pari, licet singulæ Athomi insufficientes sint ad statum determinandum, tota tamen Athomorum collectio habere potest ejusmodi sufficientiam.

Si singula corpora, seu Athomi peculiare saltem principium haberent se determinandi ad eas circumstantias, a quibus pendet determinatio status, porro tunc omnia simul sumpta possent utique id, quod singula seorsim sumpta non possunt. At nonne in casu nostro singula habent totalem insufficientiam ad statum suum determinandum, dum, ut hæcenus confecimus, singula totalem habeant ad illum insufficientiam, & indifferentiam. Ideo vero solus homo mille librarum pondus nequit attollere, quod viribus aliorum hominum conjunctis attollit; quia ad illud pondus attollendum non habet totalem insufficientiam, sed solum partialem, habet enim partem virium, quæ requiritur ad attollendum pondus mille librarum; pars ergo virium non deest memorato homini, hinc accedentibus aliorum viribus, qui defectui suppleant, poterit illud pondus attollere. Contra vero, numquidnè infiniti homines cæci collectionem aliquam hominum efficiant, qui sufficientiam habeant ad videndum? Quare, cum singulæ Athomi sint omnino insufficientes ad sese determinandas ad hunc, vel illum statum, tota etiam Athomorum collectio insufficientis erit ad sese determinandam.

Ad lapides vero in fornice constitutos, quod attinet, hac distinctione reponimus; omnes collectivè sumpti sufficientes sunt sublati parietibus, aut alia potentia sustentante, negamus; concedimus vero, omnes collectivè sumptos sufficientes esse, supposita in singulis sufficientia partiali. Fornix itaque idcirco non corrui, quia a parietibus sustentatur: singuli lapides fornici componentis idcirco non corruunt, quia actio illorum mutua, ratione combinationis situum, quos obtinuerunt (hujusmodi autem combinationem a causa ab ipsorum congerie omnino diversa obtinuerunt), dirigit lapides ipsos in par-

partes , versus quas moveri nequeunt ; potentie illos coercen-  
tes sunt gravitas , & impenetrabilitas , quę insunt omnibus la-  
pidibus , situs , seu combinatio situum , qua fit , ut actiones il-  
lę exercentur in partes , versus quas motus est impeditus ,  
partialis est in singulis lapidibus , & a causa extra illos posita  
determinatur .

Quid verò supremę Causę magis injuriosum , atque a ve-  
ritate alicum magis excogitari potest , quam cum Materialistis  
asserere , presentem materię combinationem unam ex iis esse ,  
quę continentur in fortuitis Athomorum combinationibus , actio-  
nemque , ex qua Universi machina resultat esse unam ex iis ,  
ad quas causa temere operans sese poterat determinare . Ea nam-  
que materię combinatio , quam non modo in celestibus , &  
terrestribus corporibus , sed in quibusdam arte constructis edi-  
ficiis admiramur , si una veluti ex iis haberi posset , quę con-  
tinentur in fortuitis Athomorum combinationibus , aut in for-  
tuito particularum jactu ; nonne cuilibet liceret miras illas par-  
tium combinationes , quę in tot arte factis operibus conspiciun-  
tur , casui tribuere ? At ne sanus mente putandus esset ille ,  
qui jactitaret , columnam a vertice montis temere projectam ,  
ita decidisse , ut supra proportionem basim insisterit ; quod si  
vero insuper addat , quatuor hujusmodi columnas temere pro-  
jectas ad equalem inter se distantiam stetisse , ac deinde la-  
pidum imbrem , ita super illas decidisse , ut se invicem susten-  
tantes fornecem immobilem constituerint , quis erit tam bonus ,  
ut talia narranti fidem adhibeat ? Cur ergo Atheis , pulcher-  
rimam hanc Mundi machinam casu efformatam asserentibus ,  
fides erit adhibenda ?

Nec est , quod tanto molimine , & verborum apparatu  
nobis obrudant Materialistę , a causa etiam temerę operante ,  
& nulla ratione , & sapientia predita prodire posse opus sum-  
mę solertię , atque ad propositum finem maximę idoneum . In-  
quiunt enim , quis non admirabitur mirabilem nidorum textu-  
ram nullo magisterio ab avibus fabricatorum ? Conspicite hi-  
rundinem , quę ex argilla , & molli creta paulatim deinde con-  
solidanda nidum ad se , suosque filios continendos capacem  
sub trabibus construit . Conspicite volucres ceteras e gelidis  
Terre regionibus in tepentes plagas , & ex his in illas nulla du-  
ce Geographia transmigrantes , atque in his ipsis transmigratio-  
nibus anguli acuti figuram ad aerem in volatu profcindendum  
aptif-

aptissimam. Ab avibus ad admirabilem illam aranearum architecturam gradum faciunt, & rectè animadvertunt, quod hæc in sui corporis extremitate minutissima foraminula habent, per quæ emittunt succum quemdam, qui statim in filum coalescit tenuiorem, vel crassiorem, prout e paucioribus, vel pluribus tenuissimis filis e singulis foraminibus prodeuntibus componitur. Porro ex his filis sua retia contextunt; ductis primo transversis filis quibusdam crassioribus, & ad scopulos, aut saxa reli-gatis ad totam telam sustentandam, atque a ventorum impetu tuendam. Primariis his filis ita constitutis nova illa fila circumducere incipiunt, donec plures circulos concentricos describunt, ita tamen, ut quo circuli isti proximiores sunt centro tenuioribus, quo remotiores crassioribus fili contesti sunt, ductisque ex diversis extremæ circumferentiæ punctis quamplurimis radiis, stabilitatem operi adjungunt. Circuli autem centro proximiores, idè ex tenuioribus filis constant, quia radiorum convergentia per se ipsam firmiores efficit, ut clar. Stacey cecinit.

Expectant sic densa leves in retia muscas  
Piscibus exemplum capiendis, undè, serisque  
Sylvicolis, avibusque homines nos hausimus ipsi.  
Illa sed unde haurit? Proprio talem excollit artem  
Ingenio? An potius quidam ingens impetus intus,  
Quod fecit, id cogit facere, impellitque sequentem?

Ex his ad bombyces, quorum itidem admirabilis est instinctus ille, quo serica fila e simili educunt succo, ut sibi sepulcrum; & cunas simul construant, sub nova forma deinde redituri, papilionis scilicet, quod in plerisque insectis contingere videmus.

Tantum enim abest, ut hæc, & sexcenta alia, quæ asserri possunt supremi Numinis sapientiæ officiant, quin potius mirificè illam patefaciant, quæ ipsorum corpora ita efformare novit, ipsorumque animis talem inclinationem donare, atque ad illa opera constanter dirigere, quæ ipsorum utilitati, & conservationi maximè essent idonea, immo & nostris usibus, & commodis ut plurimum inservirent. Sic bombycum corporibus humorem illum attribuit, inclinationemque impressit, ut ex illo serica fila ducerent, ex iisque cunas, & sepulcrum sibi pararent, nobisque donant, & pulchra faciunt in veste niteri. Similiter ea instrumenta, & instinctum naturæ Auctor api-

apibus dedit , quibus , & mel , & cera colligerent , eamque cellularum formam conficerent , in qua maximum ceræ compendium observatur , nobis etiam hoc pacto providit , cum in quamplurimos usus melle , & cera utamur. Quomodo ergo casus , aut causa temere operans corpuscula illa cum eorum partibus ad eum unice usum aptissimis , & diverso illo instinctu pro finis diversitate accomodato condere potuit ? Nonne ergo ex illis animalculis primæ Causæ sapientia necessario potius est inferenda ?

Nonne deinde a dispositione , & motibus Planetarum perperam cum Newtono sapientiam primæ Causæ nos inferre immerito illi autumant , dum fieri posse statuunt , ut illa corpora , & illi motus , & illæ distantie ex solis materie viribus prodierint ? Si enim , inquirunt , fingamus , omnes materiæ particulas primum in unam massam coaluisse , deinde ex intestinis illis motibus ( quos sepe videmus adeo vehementes in ipsa Tellure , ut non solum ignes , & cineres , sed prægrandia etiam saxa longe projiciantur ) progressu temporis in tot partes diffusisse , quot modo sunt Planetæ primarii , ita , ut pars omnium maxima in Sole fuerit , reliquæ in reliquis , sed diversæ magnitudinis , & pro diversa materiæ quantitate ab aliis intestinis motibus cum diversis velocitatibus projectæ ad diversas distantias , cumque iis directionibus , quæ requirebantur , ut per curvas circa commune gravitatis centrum incederent , jam habebimus Planetas omnes primarios circa Solem , seu circa commune gravitatis centrum suas orbitas percurrentes . Eodem plane modo haberi etiam poterunt Planetæ secundarii circa primarios suas orbitas describentes , adeoque ex illa dispositione , & motibus Planetarum rectè non inferitur primæ Causæ sapientia .

Et sane nonne indubiis hæc rationis momentis ostendimus , nihil in hoc universo casu contingere posse , cum omnia in se habeant causam determinantem , adeoque in illis operibus , quæ casu effecta videntur talem partium dispositionem præcessisse necesse est , ex qua necessario illa opera prodire debuerunt . In allata vero hypothese poetica magis phantasia , quam philosophia ratione excogitata , nonne multa occurrunt , quæ determinatum materiæ statum presupponunt , cum per se ipsam indifferens sit quoad statum , ac proinde determinari debuit ab alia causa extra ipsam omnino posita ? Supponitur namque , materiam in unam massam coaluisse , cum ipsa dispersa esse po-

tuerit , aut in plures massas , vel equales , vel inæquales distributa ; Supponitur deinde , ita combinatam fuisse , ut intestinus ille motus oriri debuerit ; hic autem , nonne requirit determinatum partium statum , aut situm , ad quem materia ex natura sua est prorsus indifferens ? Supponitur tertio talis motus , ac violenta partium agitatio , ut in tot determinatas partes tantæque magnitudinis , nec plures , nec pauciores , nec minores dissilire debuerit . Tandem hæ partes dissilire debuerunt illis potius determinatis velocitatibus , quæ has determinatas orbitas describerent , & non alias . Atqui hæc omnia nonne determinata supponuntur , cum materia sit prorsus indifferens ad hæc omnia prestanda ? Ab aliqua ergo causa determinari debuit , quæ ex sua sapientia sciret seligere hunc potius , quam alium naturæ statum , ex quo hic potius universi ordo , quam alius quilibet consurgeret .

Inmerito tandem divinæ providentiæ hostes tritas illas , ac vetustissimas querelas repetunt , affligari in hoc universo bonos , malos tranquillam , & prosperam vitam agere , atque a sapienti , & recta rerum administratione summopere abhorrere Cæli tempestates , quæ sæpe frugibus aded noxiæ sunt , ut omnes agricolarum labores eludant , tot animantia cæca , & monstruosa , tot homines , qui modo unum , modo aliud membrum , ita habent dispositum , ut ad propositum finem non conducat , quæ quidem argumenta summopere promovet divinæ providentiæ teterrimus hostis Spinoza in sua Ethica divinæ providentiæ cultores irridens . = Inter tot naturæ commoda non pauca = incommoda reperiri debuerunt , tempestates scilicet , & terremotus , atque hæc statuerunt propterea evenire , quod Dii = irati essent ob injurias sibi ab hominibus factas , siye ob peccata in suo cultu commissa . Et quamvis experientia in dies = reclamaret , infinitisque exemplis ostenderet , commoda , & = incommoda piis æque ac impiis evenire , non ideo ab inveterato præjudicio destiterunt . Facilius enim ipsis fuit hoc inter alia incommoda , quorum usum ignorabant , ponere , & sic = præsentem suum , & innatum statum ignorantie retinere , quam = totam illam fabricam providentiæ dextruere , & nodum solvere . =

Certum namque , exploratumque est ad providentiam spectare , ut iniqui non dominantur , & justi homines oppressi jaceant , si de providentia politica , & humana agatur , cum maximè Reipublice intersit conservationem , & pacem tueri ,  
 etque

eaquē arcere scelera, quibus ipsius Reipublicę pax perturbatur. Hinc rectē judicaremus, eam Rempubicam Gubernatore provido destitui, in qua flagitia, & scelera impunē grassarentur. At si loquamur de providentia divina, & ęterna, falsum omnino est, quod ad ipsam spectet non permittere, ut causę libere potentiis, & facultatibus suis liberē utantur, & ad certum tempus motibus suis naturalibus ferantur, adedque, ut impii non rarē temporalitet dominantur, iusti autem oppressi jaceant. Atqui, ut rationes assignentur, quibus divina Providentia sepe probis, & iustis mala, improbis bona temporalia decernat; Primo animadvertendum est, divinam Providentiam ita se gerere, ut palam fiat, post hanc mortalem vitam esse aliam ęternam, in qua pios bona maneat, impios autem mala. Secundo, ut scelestorum hominum ministerio nonnulla iustorum peccata, quę & ipsi interdum patrant in hac vita puniantur; sic Deus malicia, & ambitione Assyriorum, Persarum, Chaldeorum, Romanorum, ad Populum judaicum plectendum est usus. Tertio, ut exinde homines discant non magni facere temporalia, adedque ab his animum avertant, & celestia solum appetant, diligentiusque inquirent. Quarto, ut aliqua impiorum bona opera moralia premio aliquo afficiat, cum per totam ęternitatem mala opera punire debeat. Hinc docet Augustinus, florentissimam omnium Rempubicam, amplissimumque imperium ob hanc potissimum rationem Romanis concessisse. Tandem in hujusmodi rerum ordine mire clucescunt quamplurima divina attributa, quę aliter nota non fuerunt mortalibus. Si enim Deus non permitteret iniquorum impietatem, quomodo ejus potentia in tollerandis iniquis, & ejus misericordia in condonandis injuriis, & ejus justitia in sceleribus vindicandis cluisceret? Atqui ex hujusmodi attributis multo magis supremi Numinis gloria se prodit, quam ex bono quolibet creato. Ergo, cum tot, tantaque bona ex hujusmodi malis profiscantur, quis, inquam, sapiens audeat asserere, aliquod ex malis illis contra divinam Providentiam sumi posse argumentum; presertim cum ad brevissimum tempus grassentur impii, & iusti opprimantur? Quid enim sunt quadraginta, quinquaginta, atque etiam centum anni cum tota ęternitate comparati?

Accedit, quod nec ubique, nec semper verum est, scelestos homines tranquillam, & prosperam vitam agere, bonos



vero, probosque viros calamitatibus aliciari. Plene enim sunt calamitatibus sceleratorum hominum historie, & paucissimi Harpalo illi assimilari possunt, qui cum post plurima latrocinia ad ultimam senectutem felix, & incolumis pervenisset, Diogeni Cynico videbatur testimonium contra Deos facere: Et sane nonnè hoc patuit luculentissime in celeberrimis illis Monarchiis, Assyriorum videlicet, Chaldeorum, Persarum, Grecorum, Romanorum, quæ olim maximè floruerunt, quæque ad invicem postmodum sese dextruxere, & quarum nomen vix apud homines remansit? Nonnè idipsum patuit in potentissimis hominibus? Nam, ut omittam quantis privatis angustiis, terroribus, & scelerum ipsorum conscientia dilacerentur; Nabuchodonosor dum in summa prosperitate vitam ageret, post tot subactas gentes, everasque regna ad vitam ferarum more in sylvis ducendam supremi Numinis imperio adjicitur. Balassar inter pocula, & epulas insolito terrore perfunditur, captaque Civitate ab hostibus eadem ipsa nocte interficitur. Post tot relatas a Scythiis victorias, amisso statim numerosissimo exercitu Cyrus tandem trucidatur. Quid Xerxem, quid Alexandrum Magnum, aliosque memorem, qui post plurima bella feliciter gesta, parvasque victorias, misere occubuerunt? Sepe igitur in hac mortali vita scelesti homines puniuntur, adeoque immerito ex ipsorum prosperitate, & iustorum miseria contra divinam Providentiam aliquid inferre conantur Fatalistæ. Deinde bona, & mala judicio nostro definienda nequaquam sunt, ut ipse agebat Spinoza in suo tractatu Theologico Politico cap. 2. = Quid = quid ridiculum, absurdum, aut malum nobis videtur, id in = de est, quod res tantum ex parte novimus, totiusque natu = re ordinem, & coherentiam maxima ex parte ignoramus, & = quod ex præscripto nostræ rationis volumus, ut dirigantur, = cum tamen id, quod ratio nostra malum esse dicat, non = malum sit respectu ordinis, & legum universæ naturæ, sed = tantum solius nostræ naturæ respectu =.

Deinde licet aspectabilis hujusce Mundi systema sit sapientissimum, nonnè tamen mancum, & imperfectum plerumque nobis potest apparere, eo quod sit planè incomprehensibile, adeoque nos de illo nequaquam possumus ferre sententiam? Et sanè systema hujusmodi est systema infinitæ sapientiæ, proindeque in infinitum humanæ mentis caprum excedit. Systema enim est ejus naturæ, ut omnes Dei operationes ad extra per te = tam

tam eternitatem complectatur ; hinc omnia tempora , omnia Entia , atque eventus omnes in se continet ; cum igitur per totam rerum miram connexionem , perpetuamque causarum , & effectuum subordinationem naturæ cursus progrediatur , patet , neminem mortalium totam illius rei rationem , providere posse , accuratam descriptionem exhibendo causarum effectuum , & finium omnium , aut pronuntiando , quemcumque effectum etiam levissimum non esse necessarium ad effectum magni momenti . Tandem , ut quis ineffabilis providentiæ rationem , & semitas requirat , rerum naturas perfecte debet agnoscere . Nam in rerum administratione res quælibet regi debet pro sua natura , seu leges Gubernatores obtemperare debent rerum naturis ; Atqui rerum , tam materialium , quam spiritualium naturæ ignotæ nobis prorsus sunt . Ergo & regimen , seu providentia illarum ignota esse debet , adeoque Mundi systema planè incomprehensibile nobis sit , oportet . Quare posita hac causarum , effectuum , finium incomprehensibilitate , nonnè appetè consequitur , ut in multis nos erremus , cum res etiam sapientissime institutæ a sapientia alienæ nobis possunt apparere ? Hinc partes ex gr. pro toto aliquando sumimus , & pulchritudinem , & convenientiam totius in parte aliqua desideramus ; Hinc sæpe media non distinguimus a finibus , & in mediis ipsis excellentiam desideramus . Quare multa sunt in rerum natura , quæ nobis a recta , & sapienti rerum administratione abhorrere videntur , si ad finem alicujus rei particularis referantur , Adversariis concedimus ; denegamus verò , si ad totius universitatis finem referantur . Distinguendus itaque est finis rei alicujus particularis a fine totius universi . Finis totius Universi respicit bonum commune , finis particularis respicit bonum privatum ; Si itaque omnia ad bonum commune referantur , facili negotio agnosceretur recta , & sapiens hujus universi administratio , & jam malum privatum erit bonum commune . Sic terræ sterilitas , & paupertas , quæ ex illa consequitur in privatis aliquot agricolis , utilitas est totius Reipublicæ ; cum idcirco alii majori pretio suas vendant merces , & pauperes divitibus inservire cogantur ; sic monstra contingunt ob ipsas universalis naturæ leges in bonum commune a sapientissimo Auctore naturæ constituta . Ille enim exigunt , ut quotiescumque hæ , vel illæ circumstantiæ dentur , hi quoque , vel illi effectus prodeant ; Quoties ex gr. detur apra , & sufficiens materia ad duo capita efformanda , ex illa

illa universali lege duo capita efflorentur, necesse est. Porro Deus hoc posset impedire, sed quia non tenetur immutare legem universalem ob bonum commune naturę totius statutam, ut particularis hominis malum avertat, id permittit. Res ergo singulę tamquam partes hujus universitatis considerandę sunt, quę cum toto harmoniam efficere debeant, adedque de bono, & malo non ex nostris privatis commodis, sed ex communi rerum omnium sine judicare debemus. Cum Clarkio primum observandum est, hoc systema mundanum nobis omnino incomprehensibile esse, cum incomprehensibiles nobis sint rerum naturę, multedque magis fines, propter quos naturę auctor hanc machinam constituit. Quot in Physica nobis utilia adinventata sunt, quę a veteribus Phylosophis noxia penitus habebantur. Hinc iidem, non inutilem modo, sed noxiam etiam Eclipticę obliquitatem censebant, eo quod eadem ita constituta steriles prorsus, & inhabitabiles terrę omnes sub frigidis Zonis, & torrida positę, efficerentur. Nonnē tamen detectum est, non minus in illis, quā in temperatis, & homines, & animalia vivere, plantasque utilissimas tum ad conservationem, tum ad commodum vegetare? Quin immo illud demonstratum jam est, quod recta positio axis Telluris ad planum Eclipticę, magnam globi terrestris partem horrentem redderet, inutilem, & desertam. Nonnē ea forsitan etiam, quę nobis noxia videntur, utilia posterius detegent? Concludendum est igitur, quod nihil reverā inordinatum sit in hac machina, si consideretur, ut debet, relate ad fines Universi.

Nec est, quod rursus inquirent, quę causa sit cur, cum Deus absolutē, & relativē etiam sit optimus, potentissimus, providentissimus, tot homines malis undique affligerentur, tria namque malorum genera cum Leybnitio sunt distinguenda, metaphysicum nempe, physicum, & morale. Metaphysicum est deficientia a summa, & absolutissima perfectione; morale est transgressio legis, sive peccatum; Physicum animi egritudines, & dolores corporis. Metaphysicum necessario consequitur naturę creatę conditionem, quę hoc ipso, quod creata sit, necessitate sua non existit, nec est illud omne, quod potest esse, nec extensionem, & possibilem attributorum numerum in se complectitur, sive, quod eodem recidit homo non est perfectissimus. Nequeunt itaque a creatis rebus metaphysica mala excludi. Hęc autem prima moralis mali origo est, quod  
dein-

❧ (27) ❧

deinde mala physica, aut iuste subsequuntur, aut præeunt sapientissime. Hoc enim ipso, quod perfectissimi non sint homines, infinitæ sapientiæ, & bonitatis esse non possunt, nec in judicandis rebus non falli, nec ab objectis extrinsecis, quibus cum necessario colliguntur nihil pati, & ad ea etiam, quæ divina lege sunt vetita numquam rapi. Id fieri omnino debet, nisi, aut nulla sit lata a Deo lex, aut nulla concessa homini libertas; hoc alterum hominis naturam everteret, & ipsum facultate intelligendi, eligendi, volendi, ratione scilicet destitutum crudis lateribus assimilaret. Primum, nec divinam sapientiam, bonitatem, providentiam, vel humanam naturam fasis decebat, quæ ingenita libertate utens a suo fine aberrasset perpetuo, quod fufius recentiores quidam Ethici demonstrarunt. Ubi vero sua libertate abutentes homines a lege divina deflexerint, consentaneum rationi est, ut penis, doloribus, molestiis præsentis vitæ ad eandem legem, & ad Deum revocentur. Ita ex malis moralibus profluunt mala physica, sicuti mala moralia ex metaphysicis proficiuntur. At physica mala fere in immensum augent bonitatis, & providentiæ divini hostes, morbos exaggerant, & fatalem moriendi necessitatem. Ego, licet mala physica, nec tot, nec tanta esse ceuseam, ut ipsi jactitant, concedo quod Maupertuyfius in suo specimine moralis Philosophiæ proposuit, ex tota historiarum serie probari posse, vitæ præsentis mala, bonorum summam non exæquare modo, sed etiam superare; quod amplissimum divine bonitatis est argumentum, ut abducti homines a bonis hisce fallacibus alteri vitæ, & beatitudini assequendæ dent operam. Nec est, quod quispiam objiciat non valere hæc omnia in infantibus, qui nec peccata patrarunt, quæ luant, nec rationis adhuc sunt compotes, quæ æternam vitam huic mortali anteponant. In ipsis autem infantium penis, quibus conturbantur nonnulli, Dei bonitas, ac providentia erga nos maxima cum clar. Genuensi agnoscenda est. Optimè enim hic animadvertit, in ipsa origine naturam humanam esse exercendam, ut nihil novi, quo opprimatur usquam inveniat, & mala fortius sustinere, & in utilitatem suam possit convertere. Quid enim fieret, ubi delati pueri ad terminos adolescentiæ, nihilque experti, nisi voluptates vitæ, vehementiori dolore aliquo essent coercendi? Nonne enim quotidiana experientia erudimur, calamitatibus non exercitos homines facile concuti, &

ve-

vehementissime de suo ordine deturbari, & postmodum vitæ officiis inutilis reddi? Quoniam verò sine libertate, creari homines non decebat; ita posita libertate lex aliqua hominibus erat statuenda. Poterat utique Deus, si voluisset, libertatem eripere; homines non condere, legem non ferre; quis tamen id ipsi placuit, quod sœ sapientiæ, & bonitati apprime erat consentaneum; naturam scilicet aliquam condere; quæ intelligeret, esset libera, ac certis legibus coerceretur; amplius non poterat transgressionem latarum legum, & mala omnia moralia è medio tollere. Permissis ergo malis moralibus, physica mala erant infligenda.

Cum itaque ex discussis hætenus, refutatisque Materialistarum argumentis luculentius adhuc innotescat, optimum, sapientissimum, ac providentissimum Numen existere, nonnè exindè consequitur, illud maximo honore, & obsequio a nobis esse prosequendum, cumque ab ipso traditum, & insinuatum sit singulis hominibus quoddam lumen, quo, & nos ipsos, & plura vitæ munera cognoscimus, nonnè juxta illud lumen vivendum, & quas insinuat officiorum, & munerum Leges sunt exequendæ? Atqui naturalis ratio, neque ad morum honestatem, neque ad sanctum, atque incorruptum primæ causæ cultum præstandum potest sufficere, uberius ergo, nitidiusque aliud lumen necessario est statuendum; divina scilicet revelatio, qua humane felicitatis reparandæ media dignoscamus; debitoque cultu Numen prosequamur, quæque nobis credenda proponit, clarius intelligamus.

Et sane, in qua ridicula, nefanda, & impia superstitione fuerunt, & adhuc sunt eæ nationes, quæ solo rationis lumine ducuntur, ut merito cum clar. Genuensi mirari possimus, animalia rationalia tot numero, tamdiu, & in tanto mentis stupore esse potuisse! Colebant namque animalia quædam vilissima, Canem, Crocodilum, aut modificationes nonnullas rerum; tempus, ventos, fortunam; calamitatem, amorem, metum, aut homines scelestissimos, ut merito Lucianus clamitantem Momum induxerit, se nisi Cælum tot monstis purgetur, inde abiturum. Superstitiones ipso Atheismo deteriores pronuntiavit olim Plutarcus in libro de superstitione; Ajebat enim = Verba, & præstigia, & incantationes, & circû = curationes, & cruciatus, & impure purificationes, immun = deque mundationes, barbaræque, & impie prope Tempa pu-

= purificationes , & injurię quibuscumque causam præbent , ut dicant , satius esse non existere Deos , quam existere , talia = probantes , talibus gaudentes , injuriosos , & fordidos , paræ = vaeque de causa irascentes = . Eusebius in præparatione evangelica plussquam triginta nationes recenset , quę humanas hostias sacrificare consueverunt . Qui mores , quę dogmata præsentium nationum sunt , quę solo naturę lumine diriguntur , nec Christo adhuc nomen dederunt ? Sacrificia humana adhuc obtinent in Insula Ceylan , Mexico , Peruvia , & Virginia ; Sacerdotes frustra carnis obruncant , & Diis suis offerunt . Apud Orientales Indos , Tartaros turpia sacrificia fieri consueverunt . Canadenses , Africani nonnulli , & Basilienfes silvestres hostium suorum carnibus vescuntur . Quid eas memorem ridiculas , absurdasque opiniones , quas barbari incultique homines de Deo habent , quęque eidem offerunt sacrificia ? Cum omnia hæc itineratores quamplurimi in apurum produxerint , iisdemque confirmaverint , quam manca , & imbecillis sit humana ratio ad vitam regendam , & conservandam , debitumque supremę causę cultum præstandum .

Verum non barbarę solum , essetateque gentes ab immani superstitionis tyrannide rationis ope sese subducere non potuerunt , sed eos ipsos , qui inter Ethnicos sapientissimi habebantur , Socrates scilicet , Plato , Aristoteles , Cicero , alique non pauci , quem ex clariori naturę lumine , uberiori que rerum cognitione aucto , & exornato fructum assequutos esse censemus ? Quorum alii artem ipsam Phylosophię , exercendę linguę causa , & advocandi gratia , excoluerunt ; alii vero quę ceteris facienda præcipiebant , penitus neglexerunt , perditoque tandem , ac funestissimo exemplo reliquis hominibus ad nefaria quædam crimina perpetranda viam strare ? Quoties enim quisque phylosophorum invenitur ita moratus , ita animo , & vita constitutus , ut ratio postulat , qui disciplinam suam , non ostentationem scientię , sed legem vitæ putet , qui obtemperet ipse sibi , & decretis suis pareat ? Videre licet multos libidinum servos . Et sanè nonnè Socrates , Cicero , Seneca , alique , qui præ ceteris altius , feliciter supremi Numinis naturam , & perfectiones investigarunt , propiusque illas attigerunt , cum popularibus suis , Atheismo , Politheismo se turpiter tradidere , & de animorum immortalitate dubitarunt , ut ex Cicerone ipso , Lactantio , aliisque testibus luculentissimis erudimur

mur ? = Illud verò , nonnè summę vanitatis est , tradit La-  
= stantius de Socrate loquens , quod ante mortem familiares  
= rogavit , ut Exculapio gallum devotum facerent . Ex insti-  
= tutis Pontificum , & Aruspicum nihil immutandum , quibus  
= hostiis est immolandum cuique Deo = Plato lib. 4. de legi-  
bus , nonnè inferioribus , & superioribus Numinibus statuit fa-  
crificandum ? = Credebam facile , ait Seneca Epistola 102. cap.  
= 2. , opinionibus magnorum virorum rem gratissimam , ani-  
= morum scilicet immortalitatem , promittentium magis , quam  
= probantium = . Quę sanè absurda , errores , non in veteribus  
modo , sed in recentioribus etiam Philosophis passim occur-  
runt , qui sola ratione duce , cęlesti quolibet spreto auxilio ,  
de Deo , animique natura disserere voluerunt , ut ex Spinozæ ,  
Hobbesii , Delametrei , aliorumque nequitie , & fraudis plen-  
is operibus colligitur manifestissime . Manca ergo , & imper-  
fecta est humana ratio , scientiarum licet amplitudine aucta , at-  
que exornata ad homines in officio continendos , debitumque  
supremo Numini cultum exhibendum .

Ex humanę ergo rationis imbecillitate , supremique Nu-  
minis , & Religionis ipsius natura consequitur manifestissime ,  
divinam omnino necessariam esse revelationem , qua humanę  
felicitatis reparandę media dignoscant homines debitoque cultu  
Numen prosequantur . Turpiter ergo allucinantur Collinius ,  
Tyndalius , Voltairius , Russoius , alique , qui legem , natu-  
ralemque Religionem ad omnia vitę officia exequenda , eter-  
namque felicitatem assequendam satis esse contendunt , iisdem-  
que inscitie , arrogantie , & dementie nota merito est inurenda .

F I N I S .

